

四庫全書

集部

欽定四庫全書

兩宋名賢小集卷三百九

宋 陳思 編

元 陳世隆 補

漁溪詩藁

江上

江頭雲閣雨柳色與春深  
船發春風阻誰知客子心

居閒

欽定四庫全書

兩宋名賢小集  
卷三百九

富貴人所願貧賤不堪憂自有蘭蕙清非比蕭艾羞功  
名如露草飄瓦若虛舟千載倘相遇臯夔及伊周苟使  
窮未達一壑營一丘出處謹吾節斯心已綯籌

古意

無言情脈脈美人久相隔道阻修且長春草幾番碧鳳  
釵冷鬢雲鸞鏡輕雲羃昔為比翼鳥今作孤飛翮愁絕  
寄郎衣腰瘦裁宜窄

春日即事

羲馭舒徐日正遲  
園林已覺杏花稀  
半晴半雨春無準  
燕怯輕寒不耐飛

即事

薄薄輕輕寒露雨  
微微颯颯早秋風  
小舟辦了松江去  
占取三高作釣翁

賞月

天淨無一雲  
地淨無一塵  
十六月圓滿  
皎皎白玉輪  
古今同此月  
照破世間人  
夜久方浴出  
露坐風滿襟  
清影

入窓戶聊足慰我心所欠一尊酒所乏一張琴如此好  
月色惜乎在海濱癡兒官事了空自疲精神不得賞新  
月酬酢相與頻今宵詩興動狂吟漁溪民獨對猶復爾  
况逢親共賓

採蓮曲

畫艇將歸笑語頻鴛鴦對對起還沈妾心先自懷郎苦  
怕嚼蓮心苦轉深

靈隱

回首得兩年曾入靈隱去一路看不足衣霑松上露白  
雲來相迎澗泉飛瀑素此景天下無遠勝廬山路

種竹

門前槐已長庭前草自生所欠園中竹多種渠幾莖此  
君真可愛非獨王猷情有時吟詠暇入園得閒行所幸  
筍萌出次第陰可成頃使神宇爽漸覺眼界清最是秋  
雨夜風來簌簌聲

春暮寄友人

日暖梨花雪風吹楊柳綿春踰三月半夢憶十年前詩  
借鶯聲和書無雁字傳東君還似舊吾鬢歎皤然

即事

吹落楊花春事了小池新綠雨添痕育蠶時節寒猶在  
村落人家半掩門

初夏

薔薇花已謝芍藥擬下坡午陰有嘉樹景序猶清和日  
得詩篇詠門無俗客過笋胎今歲少荷葉小池多春去

餘旬日夏雲已差我吾年嗟老矣身事笑蹉跎但欲卧  
白日幽岩捫青蘿已與心料理不必問如何

次下竺僧韻

朝市軟紅塵山林氣味深放懷隨野鶴過耳任春禽石  
澗鳴泉玉松釵墜日陰隱居無箇事存養讀書心

江上

小雨纔收日漸斜酒旗挿處兩三家江頭粧點秋來景  
半是蘆花半蓼花

秋日

芙蓉未拆桂香浮  
落日西風雁過樓  
一雨空階深夜滴  
十分秋是十分愁

偶成

吹來一葉報秋知  
玉露金風正及時  
戴了涼巾披野服  
桂花香裡看唐詩

秋行吟

西風緊兮葉脫枝  
寒露灑兮菊遶籬  
蘆花白兮蓼滿湄

雁聲急兮蛩轉悲樂吾漸兮殊興思况東淮兮落遠陲  
朝氣肅兮夜漏遲暮雲黯兮山色衰紛紛眯目黃埃吹  
艱關千里徒驅馳窮猿投林任所之膏梁諸公那得知  
從今休被微官縛未若琴歌詩酒樂豈無手足懷我情  
當念行人多寂寞

習氣

習氣於詩却未除儘教人笑治生疎功名若到窮吟地  
雖是居貧富不如

欽定四庫全書

卷三百九

即事

暑赫練襟汗欲流  
倩誰喚得一天秋  
無人共訂吟邊句  
獨有蟬聲叫樹頭

平湖

平湖一景堪圖畫  
舟子烟波去復歸  
舊日元真無覓處  
西山長見鷺鷥飛

半塘

因訪雲岩過半塘  
清明時候野花香  
小舟趁雨衝風去

不及尋僧到上方

送人至松江

西風蕭瑟入船窓  
送客離愁酒滿缸  
要記此時分袂處  
暮烟細雨過松江

雨後

雨後新晴日轉西  
桑間猶有拙鳩啼  
十分愁意無人管  
紅蓼黃蘆水滿溪

紀愁

欽定四庫全書

蘇軾詩集卷三十九

可笑無詩紀四愁強將歡伯解吾憂夜長明月紗窓冷  
分得寒蛩一半秋

和樂天初夏韻

雨脚來山岫溪痕漲岸沙插旗多酒戶掛網盡漁家地  
出網兒笋園收菜子花春歸鶯嚶懶風急燕飛斜杯瀉  
青荷葉甌煎白玉茶孤村流水晚數點有歸鴉

述已

落落功名鬢久斑重遊京國又何顏早知寸祿榮家晚

悔不當初便入山

釣臺

不受三公漢祿榮一絲風月許多清只將節義高千古  
豈釣人間利共名

七夕有懷

擘釵情緒思悠悠月下穿針嬾傍樓非獨雙星苦離別  
人間天上一般愁

秋夜

月華如水淨無塵千里相思總一心  
絡緯籬邊吟不徹做成秋意十分深

賡采雪岩韻

詩與梅花一樣清江湖久矣熟知名  
未容便理趨朝計行見相留入幕榮  
照座精神澄玉宇當官才刃壓金城  
星郎況是曾知己刮目英遊藻鑑明

南蹌跄上人之平江

青浦相逢恰二年今宵再會亦前緣  
詩囊和月橫挑去

穩泛楓橋夜半船

夏日遣懷

老大今無用吟詩了白頭百年如電影萬事付沙鷗性  
淡偏宜靜居貧動是愁人情難似舊門外水長流

寓歸

水激長江浪風傳遠寺鐘宦情秋意薄歸興客愁濃捲  
箔迎新雁喧籬厭舊蛩何時旋故里載酒挿芙蓉

性拙

性拙難為巧年來險屢經身閒詩漫賦心靜夢能靈富貴如朝露英雄幾曉星尋思世間事日影過中庭

秋日即事

宿有騷人興休教世俗知郊墟聊晚眺風月入秋宜愁極惟憑酒囊空却剩詩更長人不睡燈火可親時

論詩

大道本無體何在文字間易從先天畫詩自聖人刪流風傳益遠後作莫可扳推敲誰氏子一字不可閒

[illegible]

欽定四庫全書

兩宋名賢小集卷三百九

兩宋名賢小集卷三百九

欽定四庫全書

兩宋名賢小集卷三百十

宋 陳 思 編

元 陳世隆 補

吾竹小藁

毛珣字元白柯山人豪於詩有聲端平間吾竹小藁一卷寶祐六年荷澤李龔弁序云柯山元白詩人之秀者也通今達古著蔡後生采詩家得其一二如寶

肆中犀壁混於螺貝惜其以文自晦不求於時吟藁  
一帙章不盈百清深雅正蹟前事而寫芳襟奚止嘲  
風弄月而已哉

西興

蚤暮船爭渡都城隔岸閒昔為漁釣地今作利名關潮  
探塵中事年催客裏顏水仙花又發吾欲老江灣

寓池之清夷堂

堂靜草侵廊羈懷未易忘近城知郡圃有佛即僧坊惡

句書盈壁空樽壘到牆使君臨寵外滿目樹蒼蒼

送客遊吳

水鄉秋易冷珍重過吳松在旅雖難遣於詩莫厭攻一  
輪僧寺月半夜客船鐘況有賢州牧知音是舊逢

小至

九地陽初動披衣起擁爐門前初去馬牕外漸啼烏雲  
色呈金未梅梢破玉無焚香待天曉點易句研朱

廬山棲賢寺

名重于諸刹前賢舊隱踪無人知有路隔樹忽聞鐘瀑  
壯山疑裂雲深寺若封或傳遺藁在三叩昔時松

登黃岡清淮門

風吹蘆葉江頭路江水江天共秋暮邊淮寒早客行稀  
只有征鴻向南去征雁自去書不來遠衣未寄憑誰催  
孤城慘咽暮笳起城下荒榛接淮水

種竹

山居無力塵居俗有客勸予惟種竹種成貧家可驟富

翠色琅玕遶君屋  
清晨荷鋤斷溪岸  
分得溪光入城綠  
暮年百事課功遲  
坐待春風滿林玉

墨龍

真人尸居雷八荒  
斷磚殘墨生蒼茫  
鯢伯下賒九淵黑  
神光倒射角與亢  
平聲  
明明元氣淋漓蹟  
水底焚槐海波赤  
周流萬化元無極  
姑使人心識天則

湘江

湘江莫道無情水  
寶瑟聲寒愁帝子  
安知日月在中天

萬古重瞳元不死楚南楚北千里雲持香遙禮雲中君  
莫起悲風助騷怨蘭枯菊瘁不堪聞

東風

東風煦嫗如慈乳欲報生成恨無所自拈花片作斑衣  
起捧春醪勸春舉傍人笑我老如許我亦笑渠將及汝  
梅花也笑柳都舞君如不飲出童叟

浙江

白鷗舊事隨波去太極陰陽自吞吐長虹夜貫黑頭船

四紀沙迎相公路馮夷作劇真等閒五都有客雄其間  
上林三官浪憂國千年海底生銅山

檜瀑

蝸皇失補天南角一道銀河落君屋又疑元氣是周流  
不然瀉盡誰能續瀑邊老檜尤可人髯疎骨瘦皮鱗皴  
崩崖欲壓全不懼夜半潛蛟暗來去

富川邂逅戚叔開

百蟲坏蟄雁奔忙君從何來兩袂霜大冠如箕盍齊魯

此地無乃驚吠虎釣竿曾笑江河窄尺水無容投牒客  
取牴為君向東輒一聲裂石扶桑白

虎丘

阿鴻血染吳苔碧氣徹重泉埋不得千年至寶復歸天  
顛倒海中飛霹靂至今荒怪列虞初罅石千尋駭遊客  
寺邊別廟是何神月黑伽藍問周易

月

人言月裏仙人住隱約娑羅樹根兔元霜搗就亦多年

不見有人曾得度清光偏照邊城秋城邊白骨胎王侯  
王侯白骨卒未已龜蚌吸月獨不死

丹陽館

渡江第一南來驛幾度華堂延鴈客百年運逐曉雲空  
愁殺鞦官老無職南徐今日古陽關不斷歌聲祖離席  
國讐已復事尤多折損年年春柳碧

富池廟

船頭蜀錦三千尺倒影長虹浸寒碧相逢不是紫髯郎

鸚鵡洲邊眼生棘江頭簫鼓雜靈鴉人道陰兵曾護國  
安知樓下雪千堆不是吞曹氣衝激

秋日即事

黃花暴日香欲醉黃蜂抱香暖欲睡老夫邂逅亦欣然  
一段先天畫前意喧喧歸雀貼叢篁夕風欲轉明朝霜  
花搖蜂醒我亦覺斜陽一片秋茫茫

甲午江行

百川無敵大江流不與人間洗舊讐殘敵自緣他國廢

諸公空負百年憂邊寒戰馬全裝鐵波濶征船半起樓  
一舉盡收關洛舊不知消得幾分愁

寓興國之十詠亭呈諸友

斷垣荒棘疑無路忽有幽亭一畝餘不稱郡侯來把酒  
偏宜野客借觀書臨階汲水防苔滑隔岸看山愛柳疎  
非有舊交時下顧十分風味落樵漁

中年

中年已悟昔皆非正學無師更可悲詩道縱能通閭域

聖經曾未涉藩籬擬從周子參無極更為東巢續近思  
適意舞雩時一詠區區何用苦吟為

寓泉之定空寺

齋鐘聲斷佛香銷閒步虛廊轉幾遭濁世自緣君不捨  
青山豈是俗難逃鳥如留客音聲好松似驕人意氣高  
因悟夙根元自有栽培功淺長蓬蒿

掩卷

盈箱積案欲何如誤盡蒼生半屬渠陸贄外誰無負學

臯陶前是讀何書鑿開素樸惟三畫斲碎真淳遂五車  
安得六經行世外民風盡返結繩初

謝胡默堂

創新小閣畫難成肯借山翁養病身萬事不憂知有命  
數椽分庇可無人觀書漆几明於鏡欹枕藤牀軟勝茵  
終恐傍門心未穩敝衣雖敝每馳神

寓泉之安溪

已恨逢人語不通更堪烟嶺隔千重山城縱是如花好

海霧終愁似墨濃  
遠信斷無鴻可寄  
故鄉惟有月相逢  
間於荔綠蕉紅處  
步屨時留到晚鐘

雪

無雨無雲曉色乾  
忽驚瑰壁滿簷端  
不教聲到牕前覺  
應恐愁添屋下寒  
占瑞農官尋玉尺  
析酲公子索金盤  
柴門睡起無多事  
捲上疎簾帶竹看

闕心

關心歲月似驚波  
少日無成奈老何  
別久帝京知事少

住長客舍識人多典衣沽酒杯難滿借壁題詩字易磨  
早信出門無遇合故山只合守樵柯

通之海山樓落成

千尋雉堞一朝興五馬行庖此落成地峻鬼神愁設險  
樓高星斗聽談兵霞羞綵幟依山斂月鬪金杯出海明  
更有萬堆飛石在寄聲殘羯盍覓驚

鳳凰臺

江山依舊昔人非多少興亡問不知雁去又逢重到日

鳳歸安得再來時風吹木葉隨漁艇霜壓蘆花出酒旗  
特地待吟吟未穩數聲昏笛戍樓吹

學道

學道先須學忍貧緼袍疏食當華珍  
捫衣所久參前輩開卷猶欣見古人  
暗坐雨牕心似月冷眠雪屋氣如春  
向來酷意耽吟事今亦相忘越與秦

贈碧蜍

鳶飛魚躍兩悠悠造物何心莫問休  
但得一杯長在手

不須萬戶更封侯人間有夢何非蝶物外忘機即是鷗  
我亦青鞵行脚者會摩銅狄話重遊

人才

但得人才即治安不憂外侮敢相干學關世道方為士  
業曉農家始是官國力在兵堪用少敵情如鬼欲驅難  
豈無一代奇男子抱膝無言靜處看

和張梅深四首

幾踏梅花角寸長擔簦羞作老來忙立身早慕千層塔

閱世今知百戲場從辟穀來唯嗜酒自栽梅後不燒香  
人生底為青衫急亦有秋荷可製裳

不用悲歌撫鐵長古無人可免身忙存心未必耕無地  
涉世難忘選有場新別水雲書尚濕舊題松桂筆猶香  
只緣誤觸神丹走惆悵京塵浣薜裳

我策曾無一策長一生蟻踏厯間忙持經佛寺新投社  
寄食田家舊築場古劍放教龍逐伴殘書分與蠹餐香  
不愁死去無名在化作千年老鶴裳

鳬鶴都休較短長  
靜非無用動非忙  
閒將書卷排科甲  
戲把文科列戰場  
無地可施行話柄  
有天須監格心香  
功名細看時來耳  
珍重漁簑即袞裳

古出塞

初說戍漁陽  
俄傳出定襄  
朝朝征馬過  
春草不曾長

山月

山月共徘徊  
山泉酌一杯  
詩成無筆寫  
畫石記蒼苔

書墨竹

伯夷有夙世契子猷結千古交烟外三葉五葉雨中一  
梢兩梢

觀星

九天有象不虛呈歷歷都關國重輕漢客可無經濟意  
只將牛女問君平

海陵

遶城無數菜花黃隔岸蒹葭接大荒不分塞鴻偏得意  
年年春老未還鄉

海陵之褒城

四面蒹葭水接天中間一片是人烟相逢盡喜干戈息  
白鷺飛來立戰船

傍城三十里芙蓉怪底繁華浙景無元是近邊農事少  
全憑蓮藕當官租

邊聲籍籍早秋風稻未黃時棗又紅莫厭水鄉還避苦  
全家載入綠荷中

儀真

頻年歲稔少干戈到處人能敗五湖只道齋舟偏輻輳  
玉杯錦段近年多

多旨樓邊古柳斜龍淵寺裏隔荷花清風盡日無人管  
半屬僧家半妓家

販來北棗堪充膳種得西瓜可析醒總是中原舊風物  
不堪今日是邊城

晚涼

窓前灑地着胡牀浴罷閒來坐晚涼更取壁燈移暗處

待他月上竹邊牆

南山有梅花

南山有梅花高者五尺餘半空發清香天人為跼蹐城  
中三尺本登盆綴流蘇進之畫堂上笑彼何麤疏

山中吟七首

幽幽山上松泠泠松下井白石當銀牀青蘿作修綆山  
翁獨酌餘無客可堪評葛洪分煉丹陸羽求煎茗

采薇作庭實紉蘭作筐篚持以薦王公謂可蘋藻比王

公齟齬謝王門何用此問客姓與名或是孤竹子

山中夜讀書山鬼來相試隔牕問疑難頗及堯舜事予  
非卯金人安能動星緯劃然一推牕餘音入空翠

山翁不能文亦免時流笑早愛滄浪歌知辭不知調長  
年水山間所業只耕釣偶得千齡龜遂通八卦兆

山花開滿枝山鳥啼無時君胡欲棄此自取塵污為山  
猿嚙君履山鹿銜君衣挽君君不留去去君何歸

榭葉可以衣松實可療飢騎鹿下山去擬說高人知高

人不可得紛紛却語誰曉  
窻白雲過且自相同歸  
題牋寄親友早早山中來  
紫芝既可採蟠桃行當開  
持書託南風北風復吹回  
愛之不可見落日令人哀

已酉客淮

烽燧春尤急人才歎寂寥  
恨無黃石畧難致碧幢招  
守塹宵仍甲傍城曉未橋  
又傳經一雪殘哨亦蕭蕭

過黃山法華寺

積雪滿松岡茲行為悼亡  
本非求吉地祇欲近禪坊  
外

物心如水流年鬢已霜只應雙卜宅永此禮空王

送田耕月遊吳

衣笈詩囊外身輕費亦輕不妨船眼窄時上岸頭行橘  
里逢霜信松江問水城吳中聞歲稔新糴想須平

登橋仍問渡迢遞到吳中倩僕挑茶竈移船避釣筒月  
生林屋洞潮接館娃宮得句人傳去蘇賤價益穹

此去姑蘇郡都無五日程仍聞新太守最重舊交情有  
句梅邊索無田月下耕雙親方待養我亦勉君行

湓江

遠樹一重重烟村與市通難尋元亮宅遙酌菊花叢  
濁浪帆檣外廬山几席中何時邊事息來此作漁翁

吳門田家十詠

去年一澇失冬收逋債於今尚未酬偶為灼龜逢吉兆  
再供租約賃耕牛

竹畧兩兩夾河泥近郭清渠此最肥載得滿船歸插種  
勝如賈販嶺南歸

到處車聲轉水勞東鄉人事獨逍遙一堤濫濫元非雨  
總是吳江澹水潮

今年田事謝蒼蒼儘有瓶罌卒歲藏只恐主家增斛面  
雙雞先把獻監莊

主人租入有常規十月開倉不許違占得頭籌先衆了  
繞身紅綵送將歸

西鄉本是最高鄉今歲收成亦倍常瓦鼓綵亭連日鬧  
誰家不謝白龍王

村村鼓笛樂秋成  
露未凝霜水未冰  
無賴酒家偏射利  
隔年早挂上元燈

田家少婦最風流  
白角冠兒皂蓋頭  
笑問傍人披得稱  
已遮日色又遮羞

長襟侈袖若僧衣  
閒蕩扁舟入郭嬉  
好是醉歸村舍晚  
聲聲耳畔阿郎兒

主家文勝又闌田  
田甲科丁各備船  
下得椿深笆土穩  
更遷垂柳護園邊

劉寺

曾住昭陽殿裏頭何年香骨掩荒丘  
虛傳碧落歸仙去誰見蒼梧從帝遊  
鸞閣粉銷塵影暗蜃爐香冷石人愁  
風前不敢將梅折猶恐君恩寵未休

宿廣果寺

寺門初掩夜沈沈風逼寒燈檜影深  
滿屋異香僧入幘一甌新茗客搜吟  
雲歸古殿聞龍氣月照空池見佛心  
坐久却眠眠未穩屋頭鐘起鵲驚林

金陵

虎踞龍蟠在目前依然行闕鎖寒烟  
津頭鼓角增新戍陌上笙簫減舊年  
高塔直看淮對境斷碑閒憶晉諸賢  
我來尚喜秋成日魚蟹堪賒滿市邊

拄杖

數節堅如玉削成幾年出入伴閒身  
扶持衰老非無術變化虛空亦有神  
藥籠倒挑同入市酒壺斜挂共尋春  
雖然未作顛危用閒指迷津與路人

數椽

梅有清香竹有陰數椽於此寄幽深舊看飛雁拋孤旅  
新聽啼蜚悔苦吟幾卷書皆先世蹟一張琴是古人心  
柴門未必無知己何必江湖在遠尋

陳藏一山房

一室焚香即太初萬人如海儘從渠第于心上曾無著  
何必山中始可居垂箔護花嫌引蝶連筒汲井怕生魚  
草元政不妨人事問字敲門未可疏

元日寓越之三江

客裏元正最可憐  
就他香案禮蒼天  
懶拈蓍草占新歲  
頻對菱花憶去年  
僅有邨翁分席拜  
不如野老著衣鮮  
百年草草渾如此  
且醉殘梅了目前

桂

天上分來種異常  
年年花占菊前黃  
堆將龍麝應難敵  
隔盡屏帷亦透香  
此日且饒秋富貴  
全家疑在月中央  
明朝酒醒風吹盡  
贏得黃金滿步廊

滄浪亭

濯纓人去水空寒  
事屬明時欲問難  
日暮客歸園館閉  
鷺鷥飛上石碁盤



兩宋名賢小集卷三百十

欽定四庫全書

集部

兩宋名賢小集卷三百十四

詳校官中書臣閔思毅

助教臣常循覆勘

總校官編修臣王燕緒

校對官編修臣曹錫齡

謄錄監生臣邵士鐸

欽定四庫全書

兩宋名賢小集卷三百十一

宋 陳思 編

元 陳世隆 補

南岳詩藁

劉克莊字潛夫號後邨嘉定二年以恩補宣教郎知建陽縣官李知孝梁成大撫其所詠落梅詩以為謗訕鄭清之力辨得釋通判潮州改吉州端平二年

除樞密院編修官嘉熙元年知袁州坐言濟王事為御史蔣峴所劾與方大琮王邁同罷歸既而予祠累擢廣東提舉改直華文閣淳祐六年令赴行在奏事道除太府少卿既至奉御劄劉克莊文名久著史學尤精可特賜同進士出身除秘書少監令與尤煇同任史事兼中書舍人史嵩之服闋御筆除職予祠令克莊行辭克莊奏嵩之有無父之罪四無君之罪七舊相致仕合有誥詞今臣行嵩之之詞未知為褒為

貶論奏不已為殿中侍御史章琰劾罷尋移舊職知  
漳州復除崇政殿說書起居舍人兼侍講力奏不草  
史宇之答詔十二年除右文殿修撰知建寧府改福  
建轉運副使以鄭發疏褫職寢新命提舉明道宮景  
定元年賈似道還朝歷遷權工部尚書兼侍講以年  
迫堅乞致仕咸淳四年特加龍圖閣學士仍致仕明  
年卒諡文定克莊學問充積甚有文名真德秀嘗以  
學貫古今文追騷雅薦之晚年為賈似道一出君子

惜焉所著後村居士前後續新四集行於世

龍隱洞

先賢評桂山推爾居第一豁然碧瑤戶夾似雙玉壁中  
有無底淵黑浪常蕩潏諒當剖判初倍費造化力雷噴  
斧山開龍怒裂石出至今絕頂上千丈留尾脊寧論兒  
女子壯夫股為慄我来欲題名腕弱墨不食摩挲秋季  
碑文字尚簡質今人未知貴後代加寶惜洑流工駭舟  
久遊覺蕭瑟品室寬如家迴權聊愒息

贈翁卷

非止擅唐風尤於選體工有時千載事祇在一聯中  
世自輕前輩天猶活此翁江湖不相見纔見又西東

芙蓉二絕

湖上秋風起櫂歌萬株映柳更依荷老來不作繁華夢  
一樹池邊已覺多

池上秋開一兩叢未妨冷淡伴詩翁而今縱有看花意  
不愛深紅愛淺紅

卽事四首

買得荒郊五畝餘，旋營花木置琴書。  
柳能樊圃猶須種，蘭縱當門亦不鋤。  
無力改牆姑覆草，多方存井要澆蔬。  
區區才志聊如此，誰謂先生懶復疎。

目為詩客不勝慙，喚作園翁定自堪。  
抱甕荷鋤非鄙事，栽花移竹似清談。  
野人只識羹芹美，相國安知食笋甘。  
晚覺齊民書最要，惜無幽士肯同參。

墻角新開白版扉，時尋樵牧弄烟霏。  
代耕豈若收躬稼，

賜帛何如出自機湖海浪遊今已倦山林獨往未全非  
百年只願身强健長為慈親負米歸

待鑿新池引一灣更規高阜敞三間縮牆恐犯鄰家地  
減樹圖看屋後山身隱免貽千載笑書成猶要十年閒  
門前驀有相尋者但說翁今怕往還

送葉尚書奉祠

先生清夢繞林泉黃紙除書拜地仙報答吾君吾相了  
徜徉某水某丘邊事光白傳求賢後銜似溫公約史年

笑向故山猿鶴說古來晚節幾人全

答留通判元崇

不見龍驤與驥馳紛紛蟲篆鬪蛛絲君侯傑出南方者  
老僕終當北面之憶玉樹枝勞遠夢熏薔薇水讀來詩  
自慙眼力非關令紫氣浮空惜不知

獲硯

二硯溫如玉琢成信知天地有精英馬肝紫潤尤宜沐  
鵝眼青圓宛似生未愛潘郎呼作友便教米老拜為兄

今年几案多奇獲應是窮儒命漸亨

題龍眠十八尊者

嘗聞天台肉身往無從仁夫示此圖恍惚遊其中應  
真一一若舊識或踞怪石臨飛淙山鬼投牒何敬恭天  
女問法尤丰茸盆魚鬚鬣等針粟放去夭矯擎空濛山  
深無人地祇出被服導從侔王公前驅驚獸後夔魍徐  
行殿以一瘦筇巉巉蒼壁謾謾松下有老宿眉雪濃石  
橋滅沒雲氣斷似是鬼國非天工層冰融結挾怒瀑毒

虺噴薄含腥風至人于此方入定壞衲羃羃首枯株同等  
閒一坐六十劫汝技有盡吾無窮書生往往談性命惕  
以禍福猶兒童倒持手版口勸進對此寧不面發紅我  
知龍眠筆外意要與濁世鍼盲聾退之云釋善變幻愷  
之謂畫能神通幻耶神耶兩莫詰與子持叩西山翁

丁酉重九日宿順昌步雲閣絕句三首呈未道明

府

九月南州菊未黃芙蓉取次獻新粧不妨折取繁紅挿

四海皆知兩鬢霜

只了年年作逐臣  
衣冠樸素面埃塵  
偶逢令尹留連我  
不畏狂生點浣人

先倩清風掃水軒  
更呼涼月倒金尊  
定知明府歸來夜  
縣郭留燈未閉門

送項使君季約二首

世有凝香樂君侯  
總未知清齋燈火夕  
閉閣荔枝支時郡  
小難留住民愚去  
始思兩年案頭筆  
一字不容私

但見兩眉顰何曾一饌珍節如僧更苦家比郡尤貧琴  
鶴均為贅尊鱸頗切身蕩山有來雁莫惜寄身頻

北山作

骨法枯閒甚惟堪作隱君山行忘路脈夜坐認天文字  
瘦偏題石詩寒半說雲近來仍喜賸閒事不曾聞

黃檗山

出縣半程遙松間認粉標峰排神女峽寺創德宗朝鶴  
老巢高木僧忙雜野樵早知人世淡來住退居寮

小寺

小寺無蹊徑行時認薜痕犬寒鳴似豹僧老瘦于猿澗  
水來旋磨山童出閉門城中梅未見已有數株繁

蒜嶺

到此思家切寒衣半淚痕燒餘山頂禿潮至海波渾僕  
怕昏無店人言近有村吾生輸野老笑語掩柴門

幽居寺

相傳有儒者唐李隱茲峯電已收遺藁雲方鎖暮鐘木

碑無世次石洞斷人蹤此士何曾死林深不可逢

蒜嶺夜行

嶺頭無復一人來  
漁店收燈戶不開  
松氣滿山涼似雨  
海聲中夜近如雷  
擬披醉髮橫簫去  
只寄鄉書與劍迴  
他日有人傳肘後  
尚堪收拾作詩材

別敖器之

舊說閩人苦節稀  
先生獨抱歲寒姿  
老年絳帳聊開講  
當日烏臺要勘詩  
東閣不遊緣有氣  
草堂未架為無資

輕煙小雪孤行路折騰梅花寄一枝

答友生

讀易參禪事事奇高情已恨挂冠遲清於楚客滋蘭日  
貧似唐人乞米時家為買琴添舊債厨因養鶴減晨炊  
君看江表英雄傳何似孤山一卷詩

漁梁

春泥滑滑雨絲絲一路寒陰少霽時水入陂渠喧似瀑  
雲從山崦上如炊燎衣去傍田家火炙燭來看野店詩

落盡梅花心事惡，獨搔蓬鬢遶殘枝。

小梓人家

生來拙性嗜清幽，因過山家為小留。  
頂笠兒歸行樹杪，提瓶婦去汲溪頭。  
參天老竹當門碧，盡日寒泉遶舍流。  
我料草堂猶未架，規模已被野人偷。

送周監門

一領青衫似敗荷，奈君母老秩卑何。  
三年幕府無人薦，千里柴門有客過。  
身畔擔輕藏俸少，江頭船重載書多。

故人若問軍中事為說防秋夜枕戈

贈友

亦欲尋芳遍九寰不期無意識君顏  
一生氣誼真湖海四海宗盟重斗山  
經歲著書人少見有時入郭俗爭攀  
何因樵服供薪水得附高名野史間

豫章溝

溝水泠泠草樹香獨穿支徑入垂楊  
薺花滿地無人見惟有山蜂度短牆

野店蕭蕭掩竹門  
岸沙猶記去來痕  
東風枉是吹花急  
綠盡平蕪却斷魂

西山

絕頂遙知有隱君  
冷芝種木鹿為羣  
多應午竈茶烟起  
山下看來是白雲

秋風

黃葉蕭蕭忽滿街  
獨騎瘦馬豫章臺  
莫將宋玉心中事  
吹向潘郎鬢畔來

歸至武陽渡作

夾岸盲風掃棟花  
高城已近被雲遮  
遮時留取城西塔  
蓬底歸人要認家

出郭

江邊一雨洗秋容  
北郭東郊野意濃  
老大怕他人檢點  
隔溪隔柳看芙蓉

烏石山

兒時逃學頻來此  
一一重尋盡有蹤  
因澆戲魚羣下水

緣敲響石鬪登峯熟知舊事惟鄰叟催去韶華是暮鐘  
畢竟世間何物壽寺前雷仆百年松

葦居

兵火間關鬢欲絲歸來聊卜草堂基  
架留手澤書堪看  
爨有躬耕米可炊  
畏濕先開通水竇  
貪明稍斫近簷枝  
旋移梅樹臨窓下  
準備花時要索詩

除夕

除夕陰寒怕卷簾  
雨聲斷續下疎簷  
壁穿自和乾泥補

窓損教尋廢紙粘祇有青燈相守定縱無白髮亦生添  
更殘自算明年事不就君平卦肆占

立春二首

恰歸舊隱再逢春村巷荒涼草没人犬壞園中門作竇  
盜窺墳上樹為薪官如巫祝難羞賤家似樵漁敢諱貧  
聞說鄰醅低價賣病夫一滴未沾脣

今歲春盤始住家也勝羈旅走天涯圃晴菜坼經霜甲  
林暖梅飛徧地花閒有工夫憂世事老無勲業惜年華

近來死盡吟詩者得句聊從野叟誇

燈夕

千炬金梔映玉蕖臺城昨夢又年餘  
斷無絃索鳴華屋惟見炊煙起草廬  
兒報瓶空因止酒婢言油盡暫停書  
蓬窻亦有精勤士何必然藜向石渠

方寺丞新第二首

幽人卜築翠相環莫笑書生眼力慳  
地占百方多是水樓無一面不當山  
荷深似入苕溪路石怪疑行雁蕩間

只恐中原方鼎沸天心未遣主人閒

一生不畜買田錢華屋何心亦偶然客至多逢僧在坐  
釣歸惟許鶴隨船庭栽花木皆僚友身主湖山即事權  
京洛貴人金谷裏安知世上有林泉

方寺丞艇子初成

船成莫厭野人過久欲從公具釣蓑積雨晴來湖面濶  
殘花落盡樹陰多新營小店皆依柳舊有危亭尚隔荷  
所恨前峯含暝色不然和月宿烟波

偶賦

身已深藏畏俗知客來鄰曲善為辭偶彈冠起成何事  
徑拂衣歸自一奇村飲婦常留燭待山行童亦挾書隨  
明時學性尤通顯却悔從來業小詩

題方武成詩草

性僻愛詩如至寶借君詩卷百回看吟來體犯諸家少  
改定人移一字難東瀑為題猶天矯吞山入句尚蒼寒  
嗟余老鈍資磨琢安得同衾語夜闌

書考一首

香火精勤閱一暮孤臣無路答鴻私銜如已廢陳人樣  
俸比初開小學時世上升沈姑付酒考中供狀是吟詩  
五錢買得羊毛筆自寫年勞送有司

穴蟻

穴蟻能防患常于未雨移聚如營洛日散似去邠時斷  
續緣高壁周遭避淺池誰為謀國者見事反傷遲

宿千歲庵聽泉

欽定四庫全書

兩宋名賢小集  
卷三百十一

十三

因愛庵前一脈泉襟衾來此借房眠驟聞將謂溪當戶  
久聽翻疑屋是船變作怒聲猶壯偉滴成細點更清圓  
君看昔日蘭亭帖亦把湍流替管絃

答翁定

牢落祠官冷似秋賴詩消遣一襟愁喜延明月常開戶  
貪看青山懶下樓客詫瀑奇邀往看僧誇寺僻約來遊  
何當與子分峯隱飢喫巖花渴飲流

歲晚書事十首

荒苔野蔓上籬笆客至多疑不在家  
病眼看人殊草草隔林迢遞見梅花

踏破儂家一徑苔雙魚去換隻雞回  
幸緣不識聲牙字省得閒人載酒來

書生元不信機祥老去無端慮事詳  
白髮社巫云日吉明朝滌井更苔牆

鬱壘鍾馗尚改更青雲變幻幾公卿  
人間止有章泉叟撲斷衡山了一生

細君炊秫婢繅絲綵勝酥花總不知窓下老儒衣露肘  
挑燈自揀一年詩

門冷如冰儘不妨由來富貴屬蒼蒼昨宵却笑癡兒女  
深夜潛燒祭竈香

歲晚郊居苦寂寥日高睡起去城遙深深榕逕苔牆裏  
忽有銀釵叫賣樵

主公晚節治家寬婢慣奴驕號令難圍在屋邊慵種菜  
井臨砌畔怕澆蘭

日日抄書懶出門小窓弄筆到黃昏了頭婢子忙勻粉  
不管先生硯水渾

丐客鷄衣立戶前豈知儂自窘殘年染人酒媪逋猶緩  
且送添丁上學錢

懷保寧聰老

秣陵一見歎魁梧每恨斯人不業儒幾度劇談俱抵掌  
有時大醉勸留鬚探梅尚憶陪山屐煨芋何因共地爐  
我已休官師退院肯來林下卓庵無

欽定四庫全書

仙遊縣

不見層岡百尺嵐眼中空曠似江南  
煙收綠野連青嶂樹闕朱橋映碧潭  
丞相無家曾住寺聘君有字尚留庵  
荒山數畝如堪買徑欲誅茅老一龕

燕

野老柴門日日開且無欄檻礙飛迴  
勸君莫入珠簾去羯鼓如雷打出來

示兒

瓜芋村邊一畝宮，閉門不復問窮通。  
生羞秦伎伶人裏，死怕標名狎客中。  
講學有誰明太極，吟詩無路和薰風。  
身今老矣空追悔，但祝吾兒勿似翁。

被酒

酒戶當年頗著聲，可堪病起困飛觥。  
醉呼褚令為傖父，狂喚桓公作老兵。  
舊有崢嶸皆剷去，新無壘塊可澆平。  
投牀懶取騷經看，只喚梨花解宿醒。

贈徐相師

許負遺書果是非子憑何處說精微使君豈必如柳大  
丞相元來要鉢肥袖濶日常籠短刺肩寒春未換單衣  
半頭布袋挑詩卷也道遊方賣術歸

鄰家孔雀

初來毛羽錦青蔥今與家雞飲啄同童子有時偷剪翅  
主人常日少開籠嶠南歲月幽囚裏隴右山川夢寐中  
因笑世間真贋錯繡身翻得上屏風

十月二十二夜同方寺丞宿瀑庵讀劉賓客集

瀑山木落霜寒夜共讀吾家夢得詩坐對遺篇忘漏盡  
手遮殘燭怕風吹森嚴似聽元戎令機警如看國手棋  
千載愚溪相對壘未應地下友微之

崇化麻沙道中

經行愛此人煙好面俯清溪背負山半艇何妨呼渡去  
小橋不礙負薪還遠聞清磬來林杪忽有朱闌出竹間  
深處安知無隱者卜鄰容我設柴關

館頭

雨雪蕭蕭驛堠長不堪流潦入車箱撫州城外黃泥路  
即是人間小太行

煙竹鋪

野迴村疎起暮寒偶逢廢驛卸征鞍主人家比漁舟小  
客子房如鶴柵寬燈與鄰通眠未易風從隙入避尤難  
似聞南去加蕭索一夜披衣坐不安

衡水道中二首

一舍常分作兩程雪鞭雨袖少逢晴平生不識終南徑

來傍湖南堠子行

過了衡陽雁北迴鄉書迢遞託誰哉  
嶽山石鼓皆辭去惟有湘江作伴來

黃熊嶺

黃茅迷遠近不見一人行信步未知險  
回頭方可驚路由高頂過雲在半腰生  
落日無棲止飄飄自問程

移居

鄰曲無還往何由有別情惟應小窻月  
長記讀書聲

兩宋名賢小集卷三百十一

欽定四庫全書

兩宋名賢小集卷三百十二

宋 陳思 編

元 陳世隆 補

南岳詩藁

送陶仁父

自古送行情味惡君行快似汎仙槎  
新班人少先投卷下水船輕易到家  
南浦不堪看草色西湖尚可及荷花

諸公若問栖栖者為說吟詩兩鬢華

移竹

借居未定先栽竹為愛疎聲與薄陰一日暫無能鄙吝  
數竿雖小亦蕭森窓間對了添詩料郭外移來費俸金  
自笑明年何處在虛簷風至且披襟

題許介之詩藁

我留鷺跼外君住雁廻邊走僕行千里敲門授一編真  
妍非粉黛至巧謝雕鐫何必周丞相男兒要自傳

郊行

薄有西風意郊行得自娛  
山晴全體出樹老半身枯  
林轉亭方見江侵路欲無  
何妨橋纜斷小艇故堪呼

老大

老大重登聘士臺客懷牢落可曾開  
臨流往往看鷺墮  
入署時時見馬來有約青山何日去  
無根白髮是誰栽  
自嫌不帶功名骨只合眠沙與坐苔

伏波巖

懸崖萬仞餘江流遶其趾仰視不見天森秀拔地起中  
洞既深豁旁竇皆奇詭惜哉題識多蒼玉半鑱毀安得  
巨靈鑿永削崖谷恥緬維兩伏波往事可追記銅柱戍  
浪泊樓船下湟水時異非一朝地去亦萬里山頭博德  
廟今為文淵矣謂予詩弗信君請証諸史

榕溪閣

榕聲竹影一溪風遷客曾來繫短蓬我與竹君俱晚出  
兩榕猶及識涪翁

湘中口占

船頭吹火盧仝婢馬後肩書穎士奴  
安得世間名畫手寫予出嶺泛湘圖

津吏沙邊立指呼放船出鎖放州符  
書生行李堪抽點惹以明珠一例無

見方雲臺題壁

寄書迢遞夢參差每見留題慰所思  
不論驛亭僧寺裏有山木處有君詩

祁陽道中

昨過知岑寂重來况雪天  
人居雞柵裏路在鳥巢邊  
草樹開還閉茅山斷復連  
瀟江清似鏡悔不問歸船

真隱寺

出郭斜陽已在山夜深乘月到江干  
奴敲小店牢扃戶僧借虛堂徑挂單  
駭浪急回因膽薄逆風小住為心寬  
投牀一枕瀟湘夢無奈霜鐘苦喚殘

壽昌

山路泥深雪未乾，病身初怕浙西寒。  
新年臺歷無人寄，且就村翁壁上看。

杜丞

父兄誨我髣髴初，老不成名鬢髮疎。  
紙帳鐵檠風雪夜，夢中猶誦少時書。

久客

久客長安市，人情薄似雲。  
寧為絕交論，不著送窮文。  
白髮長千丈，黃金盡百斤。  
故山春事動，深恐廢耕耘。

贈陳起

陳侯生長紛華地却以芸香自沐薰鍊句豈非林處士  
嚮書莫是穆參軍雨簷兀坐忘春去雪桼清談至夜分  
何日我閒君閒肆扁舟同泛北山雲

為圃二首

屋邊廢地稍平治裝點風光要自怡愛敬古梅如宿士  
護持新筍似嬰兒花窠易敗姑添價亭子難營且築基  
老矣四科無入處旋鉏小圃學樊遲

衰病歸來占把茅，譬如僧葺退居寮。  
因存橘樹斜通徑，怕礙荷花小著橋。  
古有功名興釣築，今無物色到漁樵。  
可憐歲晚閒雙手，種罷蕪菁擷菊苗。

答惠州曾使君韻

先賢平易以觀詩，不曉尖新與崛奇。  
若似後儒穿鑿說，古人字字總堪疑。

東陳寺丞築城

事變相尋智亦新，爛泥堆起石嶙峋。  
斷無餘力謀蒸土，

頗有旁觀哂寘新自古虛心容議者即今枵腹役耕民  
姑尤聊攝皆齊境莫遣郊封有詛人

答楊篳

一生忠孝發于詩不為桃根與柳枝棗本流傳容有偽  
箋家穿鑿苦求奇偶全要領慙輕典虛嘔心肝悔少時  
澤畔累臣搔白首孤吟不敢累親知

還黃鏞詩卷

曾伴靈芝湖上吟當年一悟至如今源流不亂知歸趣

篇什無多見苦心貫蟲工夫須切近膾鯨力量要雄深  
暮年誰可談茲事益有村醪且自斟

題陳遂卿隱居

蚤日稱雄翰墨林暮年里巷且浮沈諸君自負遺賢媿  
處士元無謗國心子佩子衿輸少俊某邱某水揀幽深  
明時莫作逃堯計忽有弓旌底處尋

題白渡方氏聽蛙亭

塘水拍隄科斗生想君亭子俯幽清黃梅雨足野田潤

壯麴煙收村墅晴莫信人嫌無理鬧頗疑渠有不平鳴  
畫堂方喜聽琴阮誰愛天然律呂聲

贈鍾主簿父子

旗鈴按迹向西馳丹桂靈椿並一時競說郎君能跨竈  
頃令老子欲笞兒妙年不患錐無穎前輩曾言木就規  
國相晏公元楚產何須千里遠求師

再獲一硯自和

三硯聯翩買券成絕勝玉杵聘雲英拊摩無粟向肌起

塗抹有花從筆生，韞匱每愁逢暴客。  
傾囊或笑費方兄，古來事業由勤苦。  
不信磨穿道不亨。

送真西山再鎮溫陵

父老香花夾路催，朱幡那忍更徘徊。  
弓張至此尤宜弛，珠去安知不復回。  
海上有艘堪致粟，洛中無篚勝生財。  
衆人畢竟修何福，消得西山兩度來。

題林戶曹寒齋

舉世爭馳勢利場，君于冷處看人忙。  
不營摩詰散花室，

只設蘇州聽雨牀  
種果園林無虎守  
勤書窓几有螢光  
真須喚起西堂老  
來向齋中伴石塘

答李泉州元善

平生陳無已  
白首欠吟債  
未嘗交馬呂  
况肯見章蔡  
附熱生可鄙  
中寒死亦快  
吾方尚此友  
巾車與同載  
前瞻有膺滂  
却顧有融泰  
要當堅一壁  
詎可立兩界  
恕乎行誼虧  
希也名節壞  
史君惠良箴  
下走敢不拜  
懷哉道義交  
異彼姑息愛

送趙信州

貧者惟言可贈行臨分握手盡交情  
馬於轡力窮時駭鷗向機心動處驚  
齊士豈無堪客禮蔡人便遣作牙兵  
遙知陌上羅敷女競看雙旌出勸耕

題趙子固詩卷

紫芝仲白俱仙去晚秀惟君擅士林  
字肖率更親手作詩疑賈島後身吟  
九成合奏音方備三染為纁色始深  
老去尤于朋友篤未忘几研琢磨心

題廬陵羅生詩卷

門巷蕭然人迹少  
華裾客子袖文過  
織千機錦非常巧  
熏一鉢香已覺多  
持贈白雲情厚矣  
暗投明月愧如何  
桃花水煖鱸堪膾  
恨不相攜買短蓑

桐廬舟中即事

車前彎帽同聲散  
關外華簪一揖休  
惟有浙江潮好事  
肯隨逐客到嚴州

送徐鼎夫用廬陵通守博士戴文韻

一春風雨郡齋寒荒了麻姑老子壇吏抱文書排闥至  
客攜詩卷退衙看愁來鏡裏絲難染老去胸中錦已殘  
若棹扁舟見安道為言歲晚習申韓

送趙叔愚赴潯州理掾

未奉三雍對聊為五筦行鄉書踰嶺少詩思入湘清遠  
宦身差穩中州事日生向來幾離別此別最關情

和仲弟二首

一春簷溜不曾停滴破空階蘚暈青便是兒時對牀雨

絕憐老大不同聽

雁回杳杳渾無報鵲語啾啾最有憑忽得遠書看百過  
眼昏自起剔殘燈

題趙別駕委齋

乍看華扁費尋思徐叩微言極坦夷無可奈何安命者  
吾非惡此欲逃之萬羊賦祿渠前定二鳥蒙恩彼一時  
却被委齋參透了不求符竹止求祠

同安

城不能高甫及肩臨風搔首一懷賢當時矮屋今存否  
曾著文公住四年

潮惠道中

春深絕不見妍華極目黃茅際白沙幾樹半天紅似染  
居人云是木棉花

即事四首

香火萬家市煙花二月時居人空巷出去賽海神祠  
東廟小兒隊南風大賈舟不知今廣市何似古揚州

瓜果踰拳祝喉羅撲賣聲粵人重巧夕燈火到天明  
吾生分裂後不到舊京遊空作樊樓夢安知有越樓

廣州都試

自昔番禺統府雄君恩暫許領元戎不羞短髮垂肩白  
且愛前旌照眼紅筆久不靈妨草檄臂新無力怯開弓  
即今超距作臬俊安用輜車載此翁

燈夕二首呈劉師

士女如雲服珥鮮暫陪獵較亦欣然清于坡老遊杭市

儉似乖崖在劍川使指何功煩卜夜遨頭此念可通天  
粵人擁道千層看不見戎鞍三十年

陌上遊人趁管絃豈知君相尚籌邊細聽野老交談處  
猶記兵端未動前草市收燈如許早端門瞻蹕定何年  
書生晚抱憂時志歸畫殘灰理舊編

送王梅州二首

州境與潮鄰徐行止浹旬瘴鄉均一氣監子亦吾民日  
晏烟嵐斂兵餘戶口貧定將田里事閑閣細條陳

禍始自三槍蓄猶被一方帝將安渤海君肯薄淮陽老  
手何憂斲新眉尚費粧漢庭褒郡最早晚入為郎

辛卯春日

甫報弓旌召俄聞彈射攻正如飲甘露又似笑春風雲  
夢吞伊輩須彌納箇中故山多芋栗不必問狙公

送居厚弟堂稟二首

俱被光華遣同歸寂寞濱吾灾因抱繫子咎在埋輪記  
憶煩明主招徠到遠臣要須留晚節他日白先人

怕與親朋別那堪送子行天威難俟駕秋暑勿貪程若  
見知名士為言不慧兄孤危託君相耕釣畢殘生

送陳霆之官連州

地接湖南境孤城若箇邊  
郊寮愁問宿峽石善驚船  
官小無迎吏詩工有續編  
古人高妙處不過覽山川

題小室二首

已向深林卓小庵是中僅可着禪龕  
士師何止三無愠  
中散居然七不堪一去重華那復得  
方當盛漢勿多談

欽定四庫全書

兩宋名賢小集  
卷三百十二

十三

近來弟子俱行脚誰伴山僧面壁參

阡陌東西山北南半生常帶散人銜何曾雲夢芥八九  
一任狙公芋四三閭上大夫投欲死甕邊吏部寢方酣  
可憐子駿無家法下見先人面有慚

送表弟方時父

棄置空村飽世情高軒乃肯顧柴荆韓甥殷浩貧親戚  
李益盧綸外弟兄兩鬢蕭疎驚老大一燈明滅話平生  
刺桐花下逢予季多致詩人未害清

答謝法曹

二詩簡澹掃穠華作者幾無以復加壁十五城方定價  
桃三千歲一開花選騷意度卑唐體晉宋文章讓謝家  
莫道老夫今耄矣平章此事不應差

題方友民詩卷

刪定實惟曾大父文忠况是老先生力行所學斯無媿  
偶發於詩亦有聲合止笙鏞成雅奏抉挑草木示微情  
嗟予公事君歸興不得相從細講明

欽定四庫全書

卷三百十二

題蔡炷主簿詩卷

舊止四人為律體今通天下話頭行誰編宗派應添譜  
要續傳燈不記名放子一頭嗟我老避君三舍與之平  
由來作者皆攻苦莫信人言七步成

寄韓仲止

昨仕京華豪未減脫鞵不問貴遊嗔詩家爭欲推盟主  
丞相差教作散人門戶自為千載計入山又忍十年貧  
幾思投老從公去背笈攜琴澗水春

零陵

畫圖曾識零陵郡今日方知畫未如城郭却臨瀟水上  
山川猶是柳侯餘驛亭幽絕堪垂釣巖室虛明可讀書  
欲買前溪三畝地手苦茅棟徑移居

深溪驛

苔滿朱扉半闔開更無人跡獨徘徊湘江臨別如相語  
早買扁舟出嶺來

全州

寂寂全州路家家荻竹扉異僧留塔在過客入城稀傳  
舍臨清泚官亭占翠微沙頭泊船者多自嶺南歸

出城二絕

日日銅瓶插數枝瓶空初訝折來稀出城忽見櫻桃熟  
始信無花可買歸

小憩城西賣酒家綠陰深處有啼鴉主人歎息官來晚  
謝了醪醕一架花

兩宋名賢小集卷三百十二

欽定四庫全書

兩宋名賢小集卷三百十三

宋 陳思 編

元 陳世隆 補

疎寮小集

高似孫字續古餘姚人文虎子淳熙十一年進士歷  
官校書郎守處州有疎寮小集

八餘杭縣

明發遵西陸驅車月流光佳山迎車來知是古餘杭危  
樹露如雨平野日未陽支流瀟清源弱羽無高翔人家  
叢灌下世載山水鄉扣門作午憇白飯羞文魴邂逅有  
足歡離合非其常主人不予鄙予留亦徜徉

憇昌化民家

晚程息勞轍白日流西輝水鳥得魚去耘夫荷鋤歸川  
原杳仟緜林野雜依靠一來扣竹館相邀入荆扉重巖  
吐清溜澄陰有殘馘曰予考此室十世相因依左右桑

果足歲時雞豚肥豐猶未至裕歎亦無能饑予聞良自  
愜欲謀北山薇有田當共畊有蠶當共衣車夫猝無情  
此志仍重違

答李才翁

素意杳難尋殘鑪屬晚陰花知西洛事鴈叫北人心客  
共艱難盡詩隨老大深金陵書不到消息又沉沉

宋江都研

數寸清純玉不如入波陶髮冷蕭疎千金爛抵荆山鵲

一璞深剗渭水魚墨帶花香臨近澗泓澄燈影了殘書  
從來端歛難優劣名下真成士不虛

答宇文文學

無能應俗苦皇皇詩不驚人筆事荒天下無山如飯顆  
人間有水自滄浪左杯右蟹一舟足早韭晚菰三畝強  
莫謂覺來亡可嗜逢人猶自覓花忙

燕文貴山水圖

道山堂上銜府畫展卷猶能記老燕十日何由辨水石

千金乃可分江天楚湘兩岸風落木海嶽三秋鴈度川  
大山小山俱好隱江南夢去曲肱眠

答武昌吳廣文

平生不識武昌樓官柳青青好在否庾亮笛吹黃鵠月  
簡栖碑駁碧苔秋山橫赤壁含情斷水出瞿塘快意流  
何處叫君同一醉並舟秦女擘瑩篴

丹砂歌謝胡史君惠砂牀

宜州丹砂產暘谷不比辰谿攢箭鏃素霓深抱赤城霞

斬猩半染于闐玉海日下照珊瑚紅化為姹女金芙蓉  
一從擘華分禹璞猶有絳炁埋雲峯鑄鼎泥壇有消息  
坐有光輝成五色淮南雞犬亦同升九轉真能生羽翼

琵琶引

人生聚散難為別何況匆匆作吳越梅梢帶雪下昭陽  
明朝便隔關山月長城不戰四夷平臣妾一死鴻毛輕  
回憑漢使報天子為妾奏此琵琶聲長安城中百萬戶  
家家競學琵琶譜酸聲苦調少人知食雪山山憶蘇武

西風吹霜鴈飛飛漢宮月照秋砧衣嫖姚已死甲兵老  
公主公主何時歸

銅雀硯歌

曹公夜讌凌雲臺一言契濶含餘哀分香老伎各雲雨  
歌舞不盡埋蒿萊漠漠顏基鄴山下萬里煙雲無一瓦  
井榦樽酒自平生烏鵲飛南播遺雅老農墾雨開荒寒  
一礫千金苔未乾世人好奇不好近直比周簋仍商盤  
老璞渾渾殊質魯得水猶能發妍嫵更與人間作瓌古

月明夜盜西陵土

黃居中瀟湘圖歌

天暝而雨斷兮作蒼梧九嶷之高秋風行而川怒兮洩  
瀟湘洞庭之奔流樹不知名兮山抱複嶺沙不計程兮  
水趨他洲波作止兮蛟舞蛟蟄雲晦明兮猿呼猿愁原  
不可作兮蘭亦塵土賈傳歸漢兮鵬其何尤誰呼魚兮  
北溟有酒誰鼓枻兮南津有舟懷斯人兮杳靄千里目  
悵望兮吾其歸休

寄吳鈇幹

有偉千人傑能為萬里游  
挂帆春背鴈問澤夜驚鷗  
道路空留滯文章莫暗投  
九疑生兩過三峽帶寒流  
采藥青神觀題詩白帝樓  
乾坤供爛醉星斗照閒愁  
漢已歸蕭相天難壽  
武侯詞人頭欲雪壯士淚如秋  
中下猶須策西南  
夙倚籌有錢書盡買  
滅鹵志終酬猿破  
高唐夢龍駒  
灩澦舟行人定安穩  
身近可歸不

騎鸞引贈句曲山吳道士

欽定四庫全書

蘇軾詩集卷三十三

夜騎白鸞出琳闕三萬仙官銔珮珎雲雷妥帖過剛風  
左推日九右扶月一息瑤池翠水家阿母迎謁龍驅車  
青娥彈絲玉妃酒圻盡蟠桃紅玉花九天大人來問道  
太極之前天不老丹霞一炁玉樞宮寶笈繩金容探討  
井君沐浴波五色洞房光芒上奔日天上傳呼六丁直  
星斗離離礙鸞翼

聚景園

翠華不向苑中来可是年年惜露臺水際春風寒漠漠

官梅却作野梅開

四聖觀

水明一色抱神州  
雨壓輕塵不敢浮  
山北山南人喚酒  
春前春後客凭樓  
射熊館暗花投  
展下鵠池深柳拂舟  
白髮邦人能道舊  
君王曾奉上皇遊

石楠

自隨野意訂山行  
香浸楠花白水生  
借得風來帆便飽  
隔溪新度一聲鶯

木香

下簾深與意商量無酒何如此夜長一樹木絲仙有分  
依然只作秘書香

梅

舍南舍北雪猶存山外斜陽不到門一夜冷香清入夢  
野梅千樹月明村

紀夢

翠峰嵯峨三十六寒泉落空響哀玉岩花石路勢縈行

玉闌干護修筠綠雪髯老人負紫瓢金絲塵尾搖相招  
紅螺酌酒湛湛碧坐倚蒼石吹洞簫孤鶴來傳天上詔  
老人挽予偕一到飄飄高舉凌青冥直過罡風履黃道  
祥光樓閣倚崢嶸神虎守闕森衛兵雙闔朱扉忽微啟  
中有靈官來遠迎絳衣持斧立丹陛玉皇手中玉如意  
雲璈風瑟自宮商天聲清越非人世帝旁青童傳帝宣  
文華宮中呼謫仙謫仙顧予笑且言子宜急返來他年  
探懷贈我五色筆子當寶之慎勿失濃香氤氲迷帝所

長揖老人下西廡身從日月上頭行俯視斗杓今子午  
雲氣相隨步武生過耳但覺松風鳴覺來握筆紀佳夢  
月明樓鼓過三更

兩宋名賢小集卷三百十三